



玉禾山人集卷九

合肥田實發梅嶼撰

綠楊亭詞

名擅田郎家傳京兆人如洗馬珠握靈地青鸛鳴爲太平音同鐘
磬白虹降於園顯身是琳琅奇句問天自子琰辨月之歲異書搜
穴有長恩守篋之神旣才絕於虎頭更情多於育長夢中青管
仍搖蝴蝶之魂座上紅牙屢顧鴛鴦之譜貫芙蓉漿而撥悶名豆辦
以相思時擬握蘭以當贈藥偷聲減字知音結綬之琴喚葉呼根
按拍美人之草花銜鸚鵡試聽紙上閒關銅折琵琶細琢豪端月
好是只宜風鬟十八淺唱低斟不濫許粉黛三千東塗西抹矣况
其孤襟自賞遙矚多懷借歡儂之意態盡離合之纏綿是乃玉
鈞之陽秋詎止香奩之風雅僕也拜師一字式好同袍每倚夜
光自慙形穢腐言如芥何增琥珀之輝破絮在荆真羨驂
騮之足康熙乙亥穀雨
後三日同學世弟王裒

十六字令 城邊新柳

風搖曳年年西復東無人處縷縷夕陽紅
寒野水侵橋二月殘橋上過休坐石闌干
愁暝色和煙入戍樓初三後樓外月如鉤
低蛾綠鶯黃不自持絲絲雨剛在淺深時

前調 咏鞦韆

柔瘦到猩紅恰半鉤鴛鴦結縷縷是春愁

夢江南 楊花

楊花舞舞近玉人忙舞作茜花柔下土土花還作
茜花香曾住鳳羅旁

柳枝

記得移根上苑時尋來還認舊腰肢如絲如線無
人處一段春風不可移

一鳩啼雨過平臯裏娜旗亭伴客輶不是行人攀
折苦春風爭上短長條

驛路初乾春草生長眉細眼不禁春紅樓西去南
山角儘耐東風送遠人

長帶娉婷面曲池清晨經雨綠絲絲生來不是臨
官道舞盡春風那得知

初釀春湖色未深一帘烟雨破寒林東風帶有黃
多少吹作垂楊萬縷金

縷縷絲絲近畫樓斷烟疎雨暮颼颼誰能更向樓
西角添得初三月一鉤

銀魚風煖麴塵香拂盡征帆翠袖長愁殺南湖湖
畔樹迢迢一半入斜陽

潮水來時只半篙河邊臨水拂春橋絲絲都是東
風力吹得鵝黃上軟條

晴枝裊裊動春柔織就煙絲罨翠樓二月輕寒三
月退花飛如雪上簾鉤

橋北橋南十萬枝何曾一樹失春期綠煙金穗看
如許偏受東風着意吹

曳雨籠烟正復斜池塘西北近人家翩翩丰韻臨
春水好趁櫻桃未放花

花外春街雨外樓飛絲無力繫春愁浣紗溪岸逢
西子十八風鬟顫不休

盡日春烟鎖寂寥官橋渡口蘸新潮昭儀姊妹猶
相妒莫向靈和鬪舞腰

料峭春寒未易消半溝春水驛邊橋龍池春色深
如許何事愁儂暮復朝

竹枝

青紗畫舫競鳴箏歌入平湖烟水生自把輕橈歸

極浦得無情處且無情
家住秦淮北岸頭春波秋水日盈眸韶華任爾頻
相迫儂自生來不解愁

玉連環影

咏香烟

千縷淺淺淡淡處影透晶簾簾外花陰午月華圓
露華寒十二雲峰神女夢魂間

如夢令

代人送別

不畏風風雨雨但畏楊花如霧花裏送郎歸郎隔
楊花回顧郎去郎去還是郎來時路

點絳脣

閨情

深院無人桐花風裏秋千索夢魂飄泊醒後春羅
薄鬢棗欹斜驀地牽珠箔聽鳴鵲桃鬟羞掠消
息還如昨

浣溪沙

閨情

酥雨新晴春霧肥啼鶯飛下海棠枝上樓天氣倚
欄時長盡蘼蕪歸騎杳晴鷺一線曉風吹水精
簾子侍兒垂

前調

春閨

簫局餘燼惹畫衣朝粧促水起來時小牕凹凸亞
花枝腸似闌干回卍字心如蠶子裏蛾兒者般

滋味个中知

菩薩蠻

前題

清晨强着金條脫一窗幽怨驚鳴鵲人去減昏朱
東風吹夢無薄梳蟬翼處凝睇還私語濃豔動
釵梁春花鏡裏香

前調

秋千

紛紛燕子輕如剪綠楊枝上春風淺金釧玉纖纖
絲柔綵索寒畱僊袞颺處香氣昏於霧蹴罷倚
人斜南京杏子紗

前調

閨怨

燈花夜夜真珠顆背燈彈淚挑燈坐不畏枕衾寒
思君形影單加餐毋念妾有夢歸來說保得好
容顏爲儂畫遠山

前調

城南垂柳

杏花橋外紅如雪餘寒愁近清明節薄影動輕黃
枝枝春月香東風纔幾尺欲濺昏鴉濕何事苦
相催團團作絮飛

前調

莫麗

隔窓冰粉垂無數摘向蘭閨還帶露朵朵襯釵梁
玉人頭上香最憐雲髻側一片花陰濕莫怨燭

華紅燭紅花更穠

前調迴文閨怨

月明虛檻遙簾隔隔簾遙檻虛明月寒夜五更殘
殘更五夜寒 粉香和淚搵搵淚和香粉情裏夢
卿卿卿卿夢裏情

前調城南踏春

垂楊一樹風千縷橋南千樹經新雨鳶外夕陽樓
昏煙古堞浮 青旗沽酒處醉便隨人去花鵲吠
春燈月街聞賣錫

美人鬢詠鞦韆

研羅袞底穿新穩一剪蒲莢錦柳榭絮濛濛秋千
板上風 春宵潛換珍如玉常在鴛鴦褥愁是避
郎難移來山枕邊

減字木蘭花詠蟋蟀

不堪秋枕被伊又訴秋風冷絮絮叨叨紅燭更闌
淚亦飄 天然淒切階前霜脚窗前月莫過銀牀
幾樹梧桐葉正黃

玉聯環題楊妃春醉圖

一身花色扶來晚蘭枝初點宮裙裊裊動春煙紅
雨玉堦深淺 蝶粉蜂黃還減幾回羞檢臙脂偷

卸守宮砂瞞得過君王眼

醉菴源

夏閏

繡牀紅處減梳粧
釵垂綠髻旁
琉璃千頃簾紋涼
越羅衫袖香
昨已倦日偏長
團團扇粉颺幾重
屈戌掩瀟湘
呢喃燕在梁

喜遷鶯

第一體 春望

晴鳶颺晚城
遮繫馬酒帘斜
輕衫初試爲看花
卵色上春紗
赤杏橋橋邊岸
經雨昨宵零亂
柳絲深巷隔人家
遙聽賣芹芽

鶴冲天

村居

蠶網就麥風涼
四月插新秧
橫塘雨過放紅蕖
白水半犁香
雲冉冉山點點
村塢日長門掩
棟花篁粉映參差
睡起月明時

賀聖朝

落花

那能勝得春光住
却匆匆飛去
翩翩如蝶娟娟如
雪纖纖如雨
清明近也鞦韆影裏
逐晴絲風絮
浮萍碧沼珠簾
紅閣知伊歸處

滿宮花

楊花

白於霜輕似羽
搓就團團香
素溟濛一片遠遮天
飛遍江南春暮
花外樓樓外樹
燕子巢時成霧

夕陽影裏過秋千還與東風一路

燕歸梁

兩中海棠

年小顛紅鴉鬢傾羞重脂輕春風滿院困娉婷愁
掠燕怯唬鶯 溼煙一段餘寒滯黃昏後又初更
雙流玉筋暗縱橫流不斷國香清

河傳

金陵咏燕

春暮如訴喃喃淒楚幾度歸來滿身花雨白下城
外煙鬟青青六代山 錫簫響處低雙影東風緊
曲巷烏衣冷舊時苑葉斜照一片迷濛晚波紅

鷓鴣天

有懷

楊柳欹風春日長水沈烟動碧紗香燕疑栗韻常
窺戶蝶愛瓶花誤入窓 相見處兩茫茫嬌多恩
重易神傷應憐綺閣初醒夢金磬聲中禮繡幢

南鄉子

春閨

樓外缺春蟾徹夜風鳶響更添夢裏落花紅雨重
纖纖飛過秋千撲畫簾 擦却是眉尖怨黛羞檀
一半兼牆上花冠啼不住厭厭生受青銅壓翠奩

玉樓春

夢破

一片春愁寒入夢記得臨行曾遠送背樓殘月鬢
邊明風滿柳梢花霧重 鈿盒還留人不共白玉

搔頭金作鳳起來何似未醒時私語瑣窓紗影動

鵲橋儂 無題

纖纖露草垂垂煙柳綠上春裙紗皺箇人原不怎
生肥却又被東風吹瘦 畫螺侵額流波入鬢密
意暗中先授相逢半晌不聞聲花影裏粉香遙透

虞美人 詠栽蘭

晶晶寶鏡粧初了紅象梳聲小細心多占繡工夫
驀地翻尋几上種花書 沙香土膩柔荑瑩幾葉
生幽韻綠衣牕影喚鷓鬢恰送豆青瓷瓊鷓鴣斑

踏莎行

詠蘭影和兩溟元韻

秋水爲神玉煙成色枝枝都傍蘭缸出小亭深處
畫屏寒迷離清夢香堪摘 明地相憐暗中難得
被人轉動多斜側何須悄匿向幽巖還畱一片春
風跡

臨江僊

題蘇小小墓

西施湖上蘇娘住年年歌院簾櫳芙蓉喚起晚粧
穠花低雙鬢綠月上小衫紅 人逐綵雲天外散
青山還似眉峰一杯香夢與誰同棠梨寒食兩燕
子暮春風

鵲踏花翻

詠春隄美人解用天池生韻

遠岫堆螺綠楊如畫東風影裏來飛騎只愁高處
轉身難裊纖腰從容似按徐行轡紅鴛鷺舉曲凌
空髻雲全委香隨地 襯地芳草一番新翠瀟瀟
渾脫公孫伎剛度二八年時萬千馳騁不道閒愁
墜韶華駒隙任相拋雙鬢半爲春光醉

滿江紅

天門山

螺子誰勻鴛鴦態畫成雙綠菱花面舊歡新恨做
將顰蹙暗送興亡何日了逝波聲裏韶華逐閱幾
回爲雨更爲雲真翻覆 黃荻老江豚浴丹楓脫
吳山秃剩曉風殘月落霞孤鶩自是丸泥封不得

斷流難道投鞭足看滔滔一綫瀉岷峨帆千幅

前調

題棟亭畫冊和元韻

畫繡重臨擅先後清時美譽追芳躅翠濃如潑香
繁名署半畝玉塵翻細葉棟花風裏當年樹偏詩
傳秋浦在春亭幽深處 蒙曉樾滋宵露思手植
生遙慕看大江南北鱗編文賦此日還同桑梓夢
他年直作甘棠護踵前人經緯爛天章非遲暮

鳳凰臺上憶吹簫

美人曉起

紫棧全消秦篝半熱畫簾春夢餘寒聽風箏昨夜
蟾影初圓玉腕不勝金釧明鏡裏誤却眉山又道

是前生今世愛好天然
看看雲梳月掠翻賺出
情腸清淚闌干但釵拈白燕信杳青鸞驗取留儂
裙褶驚魂處瘦殺弓彎凝眸久露珠叢裏手剪紅
蘭

滿庭芳 觀放風鳶

弟子春閒先生午夢商量半晌從容誰年最小頂
搭繫猩紅搜盡學書紙尾還顛倒阿母箱中須臾
就齊牽一綫儘着趁暄風 片時歡笑劇依桃傍
杏出入芳叢奈偶然離手吹入長空偏是書堂尋
覓爭藏匿屋角牆東歸來後大家須記曲意好彌

縫

八聲甘州

宜園奉陪合肥夫子破水舟行即事

趁琮琤金玉喧鳴處小艇近晴隄見千尺湖光一
箇明鏡萬片玻璃行到松濤凹裏柔櫓逐風低回
首余橋路已到漁磯 携榼真饒清興見斜陽未
下晚霧先迷記衝冰過訪紅蕖雪梅齊待夜遊畫
船秉燭醉春山爽李恰成蹊繫纜後亭臺倒影初
月天西

齊天樂

和張漢馥繫舟詞元韻

揚州僑寓張融後好是湖山宗主兩槩萍香一帆

谿影收向垂楊深處滿蓬花雨笑陸處紅船船居
綠嶼但有高人相逢邀入醉鄉住 英雄小住佳
耳看風波千尺蕭然容與巧羨浮家拙愁淚旣但
倩遊絲縈樹儘消幽趣任向曉披襟臨宵握麈窗
外春沙鷓鴣還對語

綠楊亭詞續集

江南好 題團扇

白團扇皎潔製偏工出入玉人懷袖裏
教捐棄在秋風長得近芳容

白團扇小柄曲香筠不染相思眸上淚
熱時頻與

玉纖親好作掌中珍

白團扇巧樣貼輕羅風色暗穿迷
蜨影月華重暈鎖常娥畱取贈情多

白團扇如雪又如霜如雪不因天暑改
如霜能使玉肌涼動處暗風香

白團扇幾縷扇中紗每近春山粘翠黛
常遮飛鬢簇青鴉第一是無瑕

白團扇花月兩相宜月下徘徊畱俊影
花間掩映過香幃花月兩爲期

如夢令 去住

住便不教人住去又不教人去繫馬綠垂楊且倩
卿卿分付難處難處料也安排沒路

秋夜 浣溪沙

金井床寒露脚橫半乾桐葉墜無聲一階蟲語怨
秋清好夢侶雲空繚繞殘更和月太分明客心
欲碎却頻驚

菩薩蠻 小春苑花

金衣不轉遊蜂歇竹橫橋外霜花熱小玉返魂時
難扶病後姿羞將青子結偷續春三月一點歲
寒心為君笑淺深

前調 莫麗賦得玉碾小芙蓉

寶奩暫逐星冠卸但無瑕處真無價琢成一團冰
月明香幾層拈來渾莫辨手與花成片鏡裏晚
妝情秋蓮指下生

前調 題樹南上人貼梅扇

韶華瞥眼春難挽美人何處香魂返收拾小紅泥
落花還上枝笛聲吹不去猶帶含章露卷內見
崔徽惹教情泪垂

減字木蘭花 新柳

淡煙濃霧迢迢青入江南路折盡還生不管歡情

管別情 高樓玉筋暮雨征輶從此去却又斜陽
萬縷千絲繫斷腸

前調 感舊

泪痕雙袖幾番新製征衣舊春恨秋悲爭不朱顏
異昔時 山亭驛店燕子還飛人已換壁上會題
塵黠難尋白粉泥

贈妓 憶秦娥

粧梳淺揚州人打蘇州纂蘇州纂一簪翠滑玉柔
難綰 陽臺雨急春雲暝泥金小枕鋪應滿鋪應
滿較情多少比情長短

真超絕海棠花下鶯調舌鶯調舌春山攢處小成
嬌咽 檀槽斜抱情星瞥絃聲未了歌將闕歌將
闕相關無限當筵難說

西江月 去住

住便有何滋味去時却又如何但藏去意在心窩
只合臨行瞞我 相勸盃應易盡相留時更無多
一生既愛故鄉過試問君來怎麼

浪淘沙 秋閨

結就碎紅英曲院燈青新霜暮地入前楹黃葉關
風聲不定欲聚還驚 好夢易成醒一點幽情金

微山畔路縱橫來去模糊難記認窗外三更

踏莎行

詠草色

驕馬徐行鈿車細碾東風一夜來時路杏黃衫子
綠裙腰軟鋪顏色將人妒 細雨橫橋寒煙野渡
久酸望眼憑誰訴無情有意斷還連昏鴉飛過春
山暮

一剪梅

閨情 獨木橋體

濛濛暗柳隱鴉兒月過亭兒影黑牆兒彎彎立遍
粉欄兒幾陣風兒幾點花兒 沉沉院子閉獨兒
掩上門兒添上燈兒聲聲悄喚小紅兒何處人兒

沒個人兒

前調

戲題黃花坂

野坂參差白道斜春也黃花秋也黃花髮髮幾樹
綠楊遮朝也啼鴉暮也啼鴉 墟頭酤酒那人家
來也停車去也停車者當年比那番差王也添些
客也添些

漁家傲

題張丹崖小照

曲岸迴溪連遠浦綠楊枝密黃鸝語家有樵青炊
瓦釜携鳳羽連鰲海上誰能舉 一笠一竿鷗鷺
侶蘋風蓼雨鳴歸櫓拈髯斜視空今古忘辛苦前

身原是煙霞主

蘇幕遮 春閨

夢方迷天欲曉何處啼鴉何處啼鴉早功課虛描
雙黛巧攢煞青山攢煞青山小 思騰騰人杳杳
眼底春光眼底春光老二十四番花信了苔上紅
多苔上紅多少

醉春風 咏楊花

亞字牆邊粉卍字欄邊影玉人庭院練綃衣泠泠
冷有意飄來無情蕩去團團不穩 幾陣花風緊
百丈斜陽暝遮天撲地太顛狂儘儘灑灑水橋頭

隋皇隄畔知伊更怎

青玉案 有寄

賺人連夜燈花巧弄紅影窗前笑煞好韶華拋擲
了春光有幾朱顏有幾儘着他鄉老 懊悔離時
真草草奈偏向黃昏見分曉若道不禁寒料峭寒
應不是溫還不是何處無煩惱

滿江紅 賦得千呼萬喚始出來

銅照羞人渾不是當年穠豔曾記取畫簾綵幕依
稀難見珮響遙傳花霧裏粉香微度春風面便怎
生輕蹙茜裙兒離深院 瑤瑟上金星亂粧閣內

蛛絲背賸夫容雙辨泪痕如線垂手已輸楊柳弱
轉喉難作珍珠串儘畫欄一曲一衷哀踟躕遍

前調

將赴秋試李松屋季廉
詞以餞別走筆賦答

郡檄催人道且去青雲不礙只蓬戶珊瑚七尺何
從得賽北地胭脂南國粉東隣塗抹西隣恠便姮
娥肯付一枝香應羞戴 吾曾慣孫山外吾曾博
劉蕡愛儘兩次三番嫁衣出賣十載已供僮僕笑
半生况負詩書債角此回才短與才長真無賴

前調

東阿懷古

滿眼春山儘緩轡東阿曲路銷殘雪暄風幾日捲

開晴霧一帶殘城連斷岫幾株煙柳迷官渡賸居
人指點說黃初歸藩處 金殿上然其賦洛水畔
凌波步甚蘅館芝田明珠手付八斗才名誰與偶
五官郎將空相妒只千秋淪落應場儔深悲慕

前調

對松屋下第和元韻

紅桂高枝青鬢上早會簪得奈偏是御苑璫裝遲
人消息伯樂偶遺千里足卞和枉灑荆山泣儘往
來瘦馬度黃塵多啾唧 槐安夢何從覓邯鄲枕
空淒絕且消受故里韶光江南花月帷下春風三
徑綠觴傾夜雨雙眸白待他年句漏乞丹砂神仙

客

孤鸞 詠鏡

一奩秋月爭埋沒
蟾光雲深霧密
舊日雙蛾便恁
杳無踪跡
好似菟花潭水
人去後年年千尺
大抵浮漚身世
幻影生還滅
照愁容更不稍藏
拙看兩頰靴紋
淚痕重疊
屈指又相欺
是鬢邊飛雪
肖我中年憔悴
真化作無情頑鐵
儘着玉臺塵滿綠
窗休更設

前調 詠殘琴

桐君堪歎見
細網紅蛛
金星零亂
勝雪吳絲
爲甚

七條都斷
記得鮎窗月滿
響宮商博山爐畔
珍重囊裁古錦
金剪茱萸茜
舊時音已向風前散
似鶴去雲深空
畱哀怨不耐從頭整
是癡腸難換
早識而今冷寂
只當初供人樵爨
流水高山何處一般
成夢幻

疎簾淡月 題李青崖小照

衣香溫膩
儘偎坐梧陰
月光篩碎
好趁沉沉深夜
露華如水
兔寒蟾冷
嫦娥睡又
眼底玉人成對
天外鴻驚
堦前蟲怨
絲清竹脆
揀老去柔鄉
居止醉鄉
廣大黑甜
尤美研鐵錐
毛倦矣阮眸
空世英

雄誤飽江湖味且跌宕風流自喜生生消受金盃
紅豆脣櫻眉翠

解語花

題錢紫厓小照

烏頭拂斥鳳尾捎空竹徑流泉瀉清風四灑無人
到一綫水沈煙罷南華誦也羨竹簟蘄州光研大
槐安不夢青雲栩栩莊生亞 况有雙鬟韶冶是
康成家婢解人意者遠飄香麝闌干曲兩點秋星
遙射畱仙裙袂疑天外雙成飛下鷓鴣斑玉腕親
擎笑渴懷難謝

玉禾山人集卷九終

玉禾山人集卷十

合肥田實發梅嶼撰



賦

恭

進

聖駕西征蕩平大捷賦

并序

康熙三十有六年海內競爲蕩平逆噶爾旦
詩賦文辭豈以太上成功非頌不顯情動於
中非言不彰與夫茲之捷也

皇帝以天縱英姿經緯文武安宇下而奠元元公

卿大夫翰林院於太平無事之日從容制作
製爲凱歌宣之金石以導揚

大清之功烈用享

宗廟以及無窮可謂極盛若布衣小臣越在草莽雖

復殫竭思慮筦窺蠡測詎有當乎然使身際

國家豐功駿業而弘文鉅作不揣摹而擬似之

遂將終身茫然矣故雖微如臣實昧道懵學

研京鍊都殊未諳焉然既目睹夫凱旋之盛

與歌頌之隆亦有不能已者爰是稽首頓首

敬賦之曰 巍巍我

清受命於帝稽累葉之

哲王軼隆烈于上世羃羃焉同丕冒于乾蓋恢恢

乎等並載于坤地南暨朱垠北訖冰天西被

河源東漸海濫大矣哉天道之元亨利貞一

氣而回環至矣哉

聖人之仁義禮智同道而互濟法地水以行師象

山火以昭賁四海有截三葉莫遂盡汪濊之

所及徧霜露之所隊固已九紘慶其清寧八

閔銷其燔燧竭麇乎黃脣紫舌梯山航海誓

惕乎出日無雷貢葵獻雉疇甘戾

元后之尊乖父母之庇而披昌自棄唯嗚爾且昔
恩而驕譬鷓鴣之逆鳳猶桀犬之吠堯幸暫
稽夫

天討等豕彘之在牢迺徼外之藩國稟正朔于
中朝痛憑弱與犯寡顛鋒鏑之日交我

皇猶尚歛雷霆之威弘雨露之慈俾湔濯而深悔
固覆幬之無私假日月以姑竢宜震恐以自
維胡怙惡以永久竟履戴而終違踵狂悖而
弗顧恣桀驁以何疑

天子惻然軫念赫然震怒謂予一人誅暴振苦母

使滋蔓亂庶遄沮既告於

天復格于

祖

睿畧神謨燭若聚米龜筮允臧人鬼協與練三軍
厲六師

廟律既簡

乾靈斯炤因時制宜聿張我武或則祝融司令
或則顛頊持權冒隆暑之赫曦衝窮陰之沍
寒離瑤宮而三巡為億兆以來安當夫御琰
圭錫牙璋擊烏合奮鷹揚戮鯨鯢掃欃槍春

入窮邊陽氣逐龍旂而披拂日臨絕塞薰風
隨鳳蓋以飄颺我

皇迺布亘地之長羅振天網之修綱玉節森其對
峙金鉦鳴以鏘鏘白旄翩兮拂霓丹旗煥兮
飛光刁斗連兮萬幕師徒驚兮縱橫輝輝爍
爍嘈嘯味咤兮不可禦當噉噉兮吟後落木
嘹嘹兮驚鴻斷行烈烈桓桓正正堂堂固不
必示之柔而迎以剛形之弱而乘以強爲之
歛而用以張將則審授詳擇材媿方召法受
孫吳將軍紫髯驍騎黃鬚干城是憑爪牙相

需禽敵立勝提鼓揮袍更有臨機公瑾通變
王雄轉戰則濬能萬里殲醜則起難爭鋒周
亞夫精嚴之制段紀明仁愛之風泉逐刀飛
效刺山之李廣津隨祝溢等拜井之耿恭士
則捷言慶忌力夸烏獲猛美諸劇勇稱賁育
精銳雄武群奮技擊萃九域之虎貔恩擊四
海之心列羽林之熊羆旗按八方之色莫不
怒拔雞塞氣吞黃磧陳則爲鵝爲鶴或鸛或
魚回合風雲龍騰虎翼旋繞辰極箕張翼舒
左右向背則七曜分環直銳圓方則五行迭

殊按律整行之旅支離連衡之圖巾地棋布
連天星敷兵則寶劍太阿大戟金鈴矛銀鶴
脛戈截葦雲干鹵父鋌之利脫光漏影之名
出武庫而森張殆不可平殫稱弓弩則曲張
是司臯通爲神青檀黑榦繡質綠沉越棘晉
竹黃間白的百石千鈞矢則申息肅慎焦銅
毒鍔忘歸信逞鳧飛電落鎧則闐鞞所鍊環
鏃精剛連組被練纍纍將將鮫皮魚鱗耀日
寒芒晉兕楚犀照路生光三五爲屬堯鑿鍛
鉅皓皓盱盱莫之罄詳馬則追風逐日流星

奔電飛鵲晨風紅陽紫燕騶裏馮驩驪魚皇
駟駟駿駮羈超驤騫馳車則接輿連軌轄輶
輶軫輶輶輶輶輶輶輶輶輶輶輶輶輶輶輶輶
雲堅爲金軸輕爲焱輪爾其砢訇隱磕歎歎
原野旗幟蔽目金鼓充耳谿谷因之而澹淡
丘陵因之而平地至則如飄風萃則如驟雨
厲則如雷動疾則如電舉下則如頽山來則
如決水往則如發機銳則如擴弩士卒奔邁
煙塵俱起鶚擊鷹搏震天駭地而當其鋒者
莫不陷心陷胸潰腦裂髓其他馬踪輪轉佈

而死者竟川而委遂雲除魚爛席捲而靡所
止若燎毛髮以洪鑪伐朝菌以肅斧也振秋
蓬以勁風驅羣羊以猛虎也漑燭火以江河
爍微霜以盛暑也迨乎

天討攸彰衆情離叛林莽叢薄鼠伏鳥竄曰諗厥
惡旣盈旣貫渙而瓦解豁而冰泮寂而煙銷
去而星散攄丹獻忱後凶戒玩絜黍不爽歸

于

廟奠誓罪自贖禽孽俘雛藐茲黃口靡能庇諸詣
我

行在驗其檻車夸呂則盡降部落朝鮮則羣嫉右
渠異呼朝之送質卜頡利之行誅雖仰鶴以
自殄猶未足盡其餘辜羊嶺之妖氛已靖狼
山之積霧全除曾無遺乎醜類竟犂庭而掃
閭覩域滅而區殫實上荷乎禎符于時雲開
天朗日麗川明

皇輿整駕從容回翔飛繡鞚以還歸振珠珂以啟
行鳳吹嘒嘒鸞鈴央央洗兵脫甲令始蓐收
夢水河邊祗堪飲馬黃沙塞外不用防秋漢
月秦關識孤城之永靜天山瀚海何一騎之

能留曾未經年歸戍卒於燕支山下不須計
日慰征婦於紅粉樓頭幾拍寒笳有曲皆歸
凱奏數聲霜笛無人吹入涼州若其方歌林
杜旋詠斯于幔殿帷宮辭秋風于朔漠竹苞
松茂鎮化日之河山既受多祐策勲飲至金
壘玉笋堂陞之間論膚功于玉帳行三錫于
瓊筵維時大小臣工稽首拜颺謂剪剋乎方
命皆

聖謨之洋洋始決策于

宸宸旋制勝于疆場運方畧于指掌遂芟刈乎穢

荒高灼見于率土杜窺伺于方萌觀乎綠草
豐茸于砂磧黃霾昏瞽于敵疆清泉修飛于
枯澗甘霖驟降于彼蒼遂至一候一尉來享
來王茲萬方之永綏皆

一人之有慶何功德之能京

天子益動容咨嗟宣昭中外予匪得已勤兵遠屆
惟咆哮之必殄庶履霜之攸戒布懿德于時
夏期離瑕而絕類唯文教之覃敷實廟堂之
遠賴

白燕賦

相國合肥夫子居廬太夫人墓次孝思所感
有雙白燕來巢里人爭爲詩歌以誌美不揣
疏蕪爰賦之曰

甘露之亭瑞松之廬孝子誌里曾參名湖辭朱組
與綠綵結茅茨以爲居饌以歆獻而減膚以搏踊
而臞固已地集群鳥池感雙鳧禾九穗以纍然芝
九莖而爛如而猶然孺慕之無殊皎月在地淒風
吹襦撫碑隕涕灌栢號呼至誠所格徵應不誣客
曰古稱虎避亦云鴉助鳥棲冠而不驚禽共哀而



不去鶴弔侃瑩鳩巢憲樹松迅拔于須臾竹掀騰
于旦暮子但言徵應之不誣而奚勿敷陳其曷故
僕曰然聞雖已聞見所未見既格蒼穹爰徵玉燕
盼隰則綠野分輝瞻山則青峰飛練瓊燭一室珠
照十乘未若茲之曉昏涂而騰矚炤也客曰燕何
方哉來何狀哉是非所謂白鴿之邦白鳩白鷺白
雀之鄉而迄今以來烏有此祥哉僕曰揮之不去
掩之不藏帝嘉其孝物舒其光灼如銀服霑羽裳
炯如金明射兩行燦如星閃幾超忽爛如凝冰吐
寒芒燕之來也固莫測其方也燕之來也固可擬

其狀也至若美其襟霜誇其帶雪或云柳絮之翩
躚或云梨花之皎潔或云迴縞影于中流或云擲
玉剪于夜月是皆擬焉而未似似焉而未切也爾
其參參差差進止依微映朝暉而綽約動夕照之
低迷挹輕煙之嫋嫋弄細雨之霏霏修高而昂倏
俯而低倏遠而颺倏近而欹捷而珣疾緩而毗遲
停而碎定逸而瑩飛訝烏衣之士羽翰已改異零
陵之石風雨則宜倘入珠簾因微茫而莫認如臨
明鏡愈杳森以難窺過水精之屏尋其跡而不得
隱琉璃之帳聞其語而方知而乃不辨編

不翩翺于黃扉棄雕梁之文杏伴寒食之棠梨越
松門而髣髴掠華表以依稀始也如慕繼也如疑
來也如愛去也如思厭莢花之灼灼憎柳帶之靡
靡是豈徒羨其外之熒熒而亦足信其中之皚皚
當不僅效啣魚之兆因化印而來也客曰信乎盛
矣異乎應矣是詎獨當之者爲祥矣亦見之者足
敬矣聞之者足慶矣僕曰未也當夫喧賓在座弔
客在筵覩雙禽之盡素爰翔集而來前咸舉以慰
謂太夫人蓬瀛之遊可驗而我公繁祉之綏亦徵
於斯焉公則不爾愈益愀然望意而之絕異向墓

門而迴旋痛慈幃之不見祇瞻拜于松杉春風胡
爲而獨溫春月胡爲而獨圓彌自增其悲惻交涕
淚而汎瀾

白鹿賦

臬院試錄

彼仙產兮何來毓瑩潔兮無儕越一千歲而蒼蒼
更五百載而皚皚宜啣芝于瓊圃或調息于瑤階
值昌期而應瑞將輝映于靈臺固神靈之所致豈
虞羅之能羈臥明月而不見顯灑雪之奇姿奚蕉
葉之可掩寧苑東之並遺爾其呦呦嘖嘖牲牲跂
跂于山之巔于水之湄飲白雲之流泉依高士之
絳帷若其降寶籙以七星之妙遇羨門于青城之
間黃帝起而御世王母乘以獻環應時而出動息
安閒其年則永其品已仙覩霜毛冰毳之皎皎寧

與山麋野鹿而斑斑及夫宜春苑裏天寶之開
雖觸夫漢字質愈見其瑩然倘隔水晶之屏忽訝
六花之積如隱瑠璃之帳徒窺雙目之丹慨遷流
於時序乃暫謫乎塵寰遊青松而春遯入紅樹而
秋悲慕上林而欲附望文囿而言歸辭華蒿于山
海思裴回于玉墀比冰雪之不染詎芻豢之能肥
際帝澤之汪濊咸沐浴乎弘慈進八紘之億兆域
仁壽而攸躋體好生之盛德實明允之攸司臻無
刑之上理齊風動于唐虞望仙麋之來集徵應感
之所宜覩通靈而覓草傍輦道而委蛇護靈長之

聖體以萬壽而無期

玉禾山人集卷十終

Large stylized watermark or seal impression, possibly reading '三才' (Sancai) or similar characters, overlaid on the page.

Small square seal impression in seal script, located at the bottom left of the page. The characters are likely '國子監藏' (Guozijian Cang), indicating ownership by the National Library of the Imperial Academy.

